

## CANTU DI AMARGURA

TUI SCETTI, MI CONSOLAS POESIA!  
 CANDU PRENA DE TRISTURA  
 È TOTU S'ANIMA MIA;  
 E DE SU CORU, LAGRIMAS DI AMARGURA

HOI M'ASCIUTTAS: CH'È PRANGENDU  
 PO CUSTA STIMADA TERRA MIA!  
 CA A PAMPAS DE FOGU, DESTRUENDU  
 NDI SUNT, TOTU SA BELLESA SUA.

I' MONTIS PURU SUNT PRANGENDU!  
 IMPARI A IS NURASCIS ANTIGUS;  
 PO IS PADENTIS CHI SUNT ABBRUXENDU:  
 MALFUSUS E VILIS NEMIGUS.

TI PREGU O DEUS, MANDA S'AQUA DISIGIADA!  
 PO FIRMAI SA MANU CRIMINALI  
 DE CUSSA GENTI ISCUSCIENTZIADA:  
 CA NO SCIT FAI ATERU CHE MALI.

ITA PENA, ITA DOLORI IN CUSTU CORU!  
 CANDU CASTIU SA MONTAGNA ABBRUXADA  
 E PRUS TI STIMU E TI ADORU,  
 O SARDIGNA MIA SFORTUNADA.

COMENT 'E UNU BENTU 'E TEMPESTA  
 DE CABESUSU A CAMPIDANU,  
 FURIOSA SI NDI PESAT SA PROTESTA!  
 DE SU FILLU PITTU A SU PRUS ANZIANU.

PO CUSTU, HOI, O GENTILI POESIA;  
 NO DOMANDU SCETTI PO MEI CONSOLU:  
 MA PO TOTU SA SARDIGNA MIA!  
 CA NO MERITAT TOTU CUSTU DOLU.

BOLA! FINZAS A IS TERRAS PRUS LONTANAS!  
 BOLA! COMENT 'E RUNDILI, LIBERA E LIGGERA!  
 E FAI INTENDI COMENT 'E SONU DE CAMPANAS  
 S'ARRABIU: DE CUSTA TERRA ANTIGA E FIERA.

BOLA! BOLA O GENTILI POESIA!  
 COMENT 'E RUNDILI, LIBERA E LIGGERA;  
 SIASTA TUI DE SA SARDIGNA MIA  
 UMILI E GENTILI MESSAGGERA;

MA TORRA, TORRA ANCORA A MI CONSOLAI;  
 NO MI LESSAST SOLU CUN SA TRISTURA!  
 E TORRA PURU PO MI NAI:  
 "BOGANCI DE SU CORU S'AMARGURA,